


Mendi magalean

b i d a i d e , g o g a i d e



Sakanako meietzak

Hiruhaitz, bere izenak adierazten duen bezala, hiru haitz elkartzen diren lekua da. Urbasako mendilerroaren ipar-gailurrerian daude. Bakaiku herri politaren gain-gainean hain zuzen ere

Meietzak direlakoak bai Bakaikun bai Etxarri-Aranatzen jartzen dituzte, eta larrea mendilerroko goiko aldera iristea sinbolizatzen dute. Urtero, maiatzaren lean, bi herriotako gazteek beren meietza jartzen dute. Inguruetako pago garaienetako bat izan behar du, eta jarri ondoren, tradizioaren arabera, maiatzeko azken egunean ebaki behar da.

Bakaiku Urbasako mendilerroko ipar-gailurrerian azpian dago, eta Sakanako ibarreko herrietako bat da.

0,0 or. (510 metro) - Plaza. Herriko plazan, ezkerreko kaletik jarraituko dugu (iturriaren aurre-aurrain), hegoaldeko norabidean, herriaren kanpoalderantz. Gutzira iturri-garbitegi polit eta ondo zaindutako baten ondotik igaroko gara. Kaletik jarraituta, ezkerrean, hartxintzarrezko pista batekin elkartzen da.

(7') bidegurutze bat topatuko dugu; eskuineko pistatik jarraituko dugu hegoaldeko norabidean. Aurrean Bakaikuko meietza eta Hiruaitzeko haitzak ikusten hasiko gara.

10' (570 metro) Burdinazko portalanga - Bordak - Bidegurutzea. Eskuinetik jarraituko dugu borda baten ondotik igarotzeko. Beste bidegurutze batera iritsiko gara, eta kasu honetan goiko bidetik jarraituko dugu (ezk.). Hortik ezin hobeto ikusten dira meietza eta Hiruaitz.

(18') Ezkerretik bide bat hartuko dugu, eta burdi-



Bakaiku meietza. Azpian, Sakanako herriak.

nazko portalanga bat igaro ondoren, pagadi batean sartu.

26' (735 metro) Bidegurutzea. Aurrerantz igotzen jarraituko dugu. Bi minutu geroago ezkerretik beste bide bat hartuko dugu. Aldapa handia da, baina merezi du, meietza eta Hiruaitz oso ondo eta gertutik ikusiko ditugulako. Ordeka txiki batera iritsiko gara, eta xenda batetik jarraituko dugu mendebaldeko norabidean. Hala, berriz ere hurbilduko gara pistara (36').

Pista handik gutxira xenda bihurtzen da. Lau minutu geroago, burdinazko portalanga zahar batera iritsiko gara. Aurrerantzean, gailurrerian iritsi arte, xenda alanbrezko itxitura baten ondotik doa aurrera (esk.).

56' (1.070 m.) Oineta - Gailurreria. Alanbrezko itxituraren beste aldera igaroko gara; xendatik (ezk.) jarraituko dugu, zuhaiztirantz. Zuhaiztitik atera bezain laster, Bakaikuko meietza izango dugu aurrez aurre. Gailu-

rrerantz jarraituko dugu, han baitago kokatuta (1 or. 10').

Gailurreriatik ibiltzen jarraituko dugu ekialderantz, belar freskoko inguru batetik. Erraz asko antzematen da ganaduak lidoitar eta Maizakobaltzako putzu hurbiletara egiten dituen joan-etorrietan utzitako arrastoa. Bidexka horretatik poliki-poliki igotzen joango gara (1 or. 18'). (1.183 metro). Maiza (erpin geodesikoa).

Urbasako mendilerroko ipar-gailurreriako lekurik garaienean gaude. Ikuspegiak, zer esanik ez, oso ederra izaten jarraitzen du. Gailurreriatik jaisten jarraituko dugu ekialdeko norabidean alanbrezko itxituraren ondotik (ezk.), eta horrela Artzabalera iritsiko gara (1 or. 30'). Etxarri-Aranazkoek leku horretan jartzen dute meietza. Garaia eta soila da eta, nola ez, ikurrina jarrita izaten du.

Beti ere ekialdeko norabidean, eta jaitsi ahala, bi trikuharri aurkituko ditugu: Etxarriko Portugai-

nekoa aurrean, eta Etxarriko Portugain Sortaldekoa ondoren.

1 or. 41' (1.030 metro) - Etxarriko Portugain. Burdinazko portalanga gurutzatuko dugu, eta gurdibide eder batetik jarraitu.

(1 or. 50') Bi bide aurkituko ditugu, bata bestearen atzetik (esk.); biak ere Etxarrira doaz. Guk aurrera jarraituko dugu, Bakaikura iristeko.

Bidea oraindik ere zuhaizti batetik iragaten da (pagoak), eta, gure kasuan, halako batean eroritako zuhaitz baten gainetik salto egin behar izan dugu; ziur aski, negu honetako haizeek edo elurte ugariak bota dute.

2 or. 11' (680 metro) - Alanbrezko itxitura - Bidegurutzea. Alanbrezko itxitura gurutzatuko ondoren, eta ezkerreko bideari kasurik egin gabe, aurretik jaisten jarraituko dugu hartxintzarrezko pista on batetik. Pista horrek Bakaikura hurbilduko gaitu. Horregatik, berriz ere meietza eta Hiruaitz ikusten hasiko gara. Buelta osoa eman diogu. Burdinazko portalanga bat igaroko dugu (2 or. 39').

2 or. 24' (570 metro) - Burdinazko portalanga igaroko dugu.

2 or. 32' (510 metro) - Iturria. Herri txiki honetan amaiera emango diogu ibilbide eder honi. Meietzaren aspaldiko tradizioa eta, urtez urte, iraunarazten duten guztiak gogorarazi nahi ditugu bereziki azken lerro honekin.

Mikel Nazabal

zangoak txango

ibilaldiak ▶ maiatzak 22-23

Gasteiz (Geu Gasteiz) • Aumategi (1.191 m.), Mugarri-luze (1.109 m.). Informazioa: 945 28 23 16.

Lizarra (Lizarra MT) • Aneto-Posets.

Arrasate (Besalde MT) • EMFren 75. urteurren festaren barne, Kanpazar-Intxorta-Elgeta.

Gasteiz (Manuel Iradier) • Mairulegorreta lezeta eta Cordel mendizerra (Kantabria).

Gasteiz (Goiena MT) • Sobron, Mota, Cueto (1.345 m.).

Iruñea (Nafarroa ME) • Urkiola-Anboto eta EMFren urteurren festa Elgetan.

Galdakao (Ganguren MT) • Turtzioz Ampuero.

Antigua-Donostia (Antiguako ME) • Kanpezu, Kostalera, Kanpezu.

Baztan (Baztango MT) • Dolmenen ibilaldia.

Ermua (Artarrai MT) • Anboto.

Bilbo (Eguntentia MT) • Intxorta, EMFren urteurren.

Gasteiz (Peña Karria MT) • Gasteiz Kripan.

Maule (Bortükariak MT) • Larunbatean Txindoki. Igandean, EMFren urteurren festa.

Ibarra (Hauspoa) • Izaskun auzoa.

Azpeitia (Lagun-Onak MB) • Txalintxo.

Basauri (Baskonia) • Ireber (1.202 m.) Arrarats.

ibilaldiak ▶ maiatzak 29-30

Bilbo (AEK) • Otsagira zeharkaldia. Oinez edo mendi bizikletaz. 94 415 24 24.

Uribe-Kosta (AEK) • Mendian Gora Euskaraz ekime-nearen barne, Txindokira irteera.

Iruñea (Nafarroa KE) • IV. Haur Ibilaldia Urbasara. Legunbe gailurra (1.127 metro).

Azpeitia (Lagun-Onak MB) • Xoxoteko eguna. Irteera 9tan. 12:00tan Meza Nagusia. Egun guztian erro-meria.

Donostia (Mendiak eta herriak) • Mendiko eskia Balaitousen, Neous glaziarrean barrera.

Zarautz (Pagoeta ME) • Izarraitz.

Donostia (CVC) • Pikatua, Abodi (1.537 m.), Muskinda, Otsagi zeharkaldia.

Billabona (Aizkardi) • Orhi (2.017 m.).

Bilbo (Eguntentia) • Elorritxugana (721 m.).

Hernani (Mendiriz mendi) • Pala de Ip (2.783 m.).

Urretxu (Goierri KE) • Sierra de la Demanda.

Galdakao (Ganguren MT) • Hiru Gurutzeetako ibilaldia.

Tolosa (Alpino Uzturre) • Lezeko kobazuloa Araia zeharkaldia, Olano eta Aratz gailurrak (1.442 metro.) igota.

ikastaroak ▶ maiatzak 22-23

Gasteiz (Arabako Goi Mendi eskola) • Haitz Eskalada Ikastaroa. Izen ematea Europa Gizarte Etxean.

maiatzak 21-22-23

Donostia (Mendiak eta herriak) • Igoera eta Segurtasuna eskaladan. Hobekuntza. Taillongo Ipar Horman eta Gabietous-ko Mendebaldeko Horman.

maiatzak 29-30

Donostia (Mendiak eta herriak) • Eskalada klasiko baterako prestaketak. Igoera eta Ziurtasuna. Coulot Swan. Informazioa: 948 51 32 33.

ekainak 5-6

Donostia (Gipuzkoako Goi-Mendi Eskola) • Hastapena eta Segurtasuna Haitz alpinismoan. Midi D'Ossau mendian. Informazioa: 943 46 14 40.

emanaldiak ▶ maiatzak 29-30

Azpeitia (Lagun-Onak MB) • Mendi Astearen barnean, 3 emanaldi. Maiatzak 26, asteazkena, 20:30etan, Dhaulagiri, Manuel Peñalvarekin. Ostegunean, ordu berean, Paineiko Dorreak, Antxon eta Gaizka bidea Antxon Areizagarekin. Bi emanaldiok Antxieta etxean. Maiatzak 28 ostiralean, Agur Everest emanaldia. Lehen euskal espedizioa Everestera Azpeitiko zine klub taldearekin. Soreasu zinemaren arratsko 9tan. Ondoren, solasaldia.